

祖師四十八訓摘選<sup>38</sup>(上)

王覺一夫子 原著  
忠恕學院 整編

## 第三十八條 (上) 訓文

與時文之儒，無兼通博覽之學者；切不可與之談仙經、釋典，成仙、作佛之語。

蓋自昌黎闢佛毀老以來，後之儒者，皆不達三聖同源之理。其著書立說，動以異端，歸之佛、老。致令柱下猶龍，沈冤莫伸；西山聖人，曲高和寡。更見緇衣、黃冠之輩，愈趨愈下，鮮有達者；末後之世，三教皆然。

欲與時儒接訪，必須先自「天命之謂性」之天，理、氣分清。

先講氣天一貫，鑿開天度，闡明化源；則天根月窟之來往，神鬼屈伸之消息。即升降而推兩儀，由兩儀而分四象、八卦、六十四卦、三百六十五度又四分度之一、周轉。大化流行，上運星斗，下托大地，中貫萬類。

「復」之一陽為奇，而參天之數生；「姤」之一陰為偶。而兩地之數顯。律、度、量、衡<sup>11</sup>，河、洛、卦、爻；著策之數，莫不由此一本而分萬殊。

氣之所在，即天之所在；氣無不在，即天無不在。陽氣上升，自子至午，一百八十二度有奇，由七日之復，而潛、現、乾、躍、飛、亢之六龍<sup>12</sup>有據矣。

陰氣下降，自午至子，一百八十二度有奇，由履霜之漸，而姤、遯、否、觀、剝、坤之六卦<sup>13</sup>有徵矣。

〔註釋〕

①時文：時下所流行之文體。

②昌黎：即韓愈，唐朝人，字退之，世稱韓昌黎，曾以諫迎佛骨事，貶為潮州刺史，幼孤，刻苦學儒，及長，操行堅正，發言直率，德宗時登進士及第，歷四門博士，轉監察御史，卒諡文，愈博通經史，綜貫百家，生平詆排異端，攘斥佛、老。其所作文章，自成一派，世稱《韓文》，蘇軾常稱其文起八代之衰，有《韓昌黎全集》。

韓愈出征至秦嶺、藍關嘆曰：

一封朝奏九重天，夕貶潮陽路八千，本為聖朝除弊政，敢將衰朽惜殘年。

雲橫秦嶺家何在，雪擁藍關馬不前，知汝遠來應有意，好收吾骨瘴港邊。

③柱下猶龍：指老子而言，以老子曾仕周為柱下史，又孔子適周問禮，歸而贊嘆老子其猶龍。

老子曰：「子所言者，其人與骨皆已朽矣。獨其言在耳，君子得時則駕，不得時則蓬累而行，吾聞之，良賈深藏若虛，君子盛德，容貌如愚，去子之驕氣與多欲，態色與淫志，是皆無益於子之身，吾所以告子者若是而已」。

孔子歸三日不語，子貢怪而問之。孔子曰：「獸吾知其能走，鳥吾知其能飛，魚吾知其能游，走者可以為網，飛者可以為矰，游者可以為綸，惟龍吾不知其乘風雲而上九天，今日老子，其猶龍乎？」

④西山聖人：是指釋迦牟尼佛。佛教始祖，周靈王十五年(西元前五五七年)誕生於中印度 憍薩羅國 迦毗羅衛城，名悉達多，父為迦毗羅衛城主淨飯王，母摩耶夫人，誕生後七日，摩耶逝世，賴姨母波闍波提撫育之，十九歲，納拘利城主善覺王之女耶輸陀羅為妃，二十九歲時，偶乘車出遊，見衰病者及死者，深悟世間之無常，遂決意出家；一日

夜半(時為十二月八日)乘馬潛出王城，入東方藍摩國剃髮為沙門，旋詣王舍城邊阿蘭若林，就鬱陀羅伽仙求道，遂修習諸種之禪定，更至優樓頻螺村之畢羅樹(佛於此成道，故又名菩提樹)下敷草，結跏趺坐，誓曰：「不成正覺，終不起坐」至二月八日夜，忽睹明星而大悟，得一切種智，於是成大覺世尊，為人天之大導師，時年三十五也，於是周遊四方，化導群類，凡四十餘載，示寂於拘尸那城、跋提河(金河)邊娑羅雙樹之下，時周敬王四十三年(西元前四七七年)二月十五日，應世共八十年。

⑤緇衣：和尚所穿的衣服(僧徒之服也)。

⑥黃冠：指道士。唐求《題青城山》、《范賢觀詩》：數里緣山不厭難，為尋真訣問黃冠。

⑦天根：指一陽生之位也，故為震。

星名即氐宿：為二十八宿之一，蒼龍七宿之第三宿，《爾雅·釋天》：「天根氐也」註：「角亢下繫於氐，若木之有根」。

《星經》：「氐四星為天宿宮，一名天根，二名天府，木星」。

⑧月窟：指一陰生之立也，故為巽。與月窟同，喻極西之地，梁·簡文帝《大法頌》：「西踰月窟，東漸扶桑」。

⑨度：乃計物之長短也。如丈尺曰度。

⑩量：乃計物之輕重也。如斗斛曰量。

⑪衡：稱物之具。

⑫六龍：乾卦之六個爻名稱。

潛—初九，潛龍勿用，陽在下也。

其所處之位是在地下，龍未出土，當然不能施用，因為羽毛未豐滿時不可高飛，假如亂動，必遭挫折，這就啟示我們在青年時代，猶如生龍活虎，前途不可限量，但是要靜心修養，努力求學，先把本身健全起來，以後進入社會自可一飛沖天，青雲直上。

現一九二，見龍在田，利見大人。

此爻說明當偉大人物顯現時，給天下帶來生機與希望，有作為之人，應當擁護與支持，同時本身也應當接近群眾，結合有作為之同志。

乾一九三，君子終日乾乾，夕惕若厲，無咎。

終日自強不息，是正在反復實踐天之法則，以鍛鍊自己，此爻，說明在成長時期，羽毛未豐，應當奮發努力，但必須戒慎恐懼，以防災禍。

躍一九四，或躍在淵，無咎。

或許由深淵中躍出，是說已經完成準備，進退有據，即或前進，也不會有過失或災難，此爻說明已經到了躍躍欲試之試鍊階段，決定進退應當謹慎把握最有利之時機。


飛一九五，飛龍在天，利見大人。


龍飛騰昇天，是指唯有具備才德之偉大人物，才能到達此一地位，此爻說明已經到達大展鴻圖之極盛時期，應當選賢與能，賢能也應當支持擁護。


亢一上九，亢龍有悔。


飛騰到極限之龍，會後悔，因為盈難以持久，滿則招損，此爻說明盛極而衰，是大自然之常則，應常警惕與節制。


⑬ 六卦：為十二辟卦中之六卦。

姤：天風姤  巽下乾上（芒種、夏至）（五月）（午）

遯：天山遯  艮下乾上（小暑、大暑）（六月）（未）

否：天地否  坤下乾上（立秋、處暑）（七月）（申）

觀：風地觀  坤下巽上（白露、秋分）（八月）（酉）

剝：山地剝  坤下艮上（寒露、霜降）（九月）（戌）

坤：地為坤  坤下坤下（立冬、小雪）（十月）（亥）

（續下期）